

大衆萬病顧問問

中冊

小兒科

小兒痧痘

外科



總論

服藥須知

【勿輕服藥】初生之兒。未可輕藥。蓋無情草木。氣味不純。非嬌嫩者所宜也。凡有微疾。不用倉忙。但令乳母嚴戒油膩葷酒。能得乳汁清和。二三日間。不藥自愈。每見愚人。兒稍不快。即忙延醫。練達者。或不致誤。疏略者。惟以通套驚風藥治之。此無事之中。生出有事。伐及無辜。病反致重。父母見其無效。是必更醫。卒無善手。相與任意猜度。曰風。曰痰。曰驚。曰熱。前藥初服。後藥繼至。甚至日易數醫。各為臆說。陽九疊進。刻不容緩。嗟夫。藥性不同。見識各異。嬌嫩腸胃。豈堪此無情惡味之擾攘。不必病能傷人。而藥亦可以死之矣。予每見不聽

總

論

勸解。雜藥妄投者。百無一效。哀哉。

【藥餌之誤】

小兒血氣未充。一生盛衰之基。全在幼時。此飲食之宜調。而藥餌尤當慎也。今舉世幼科。既不知此大本。又無的確明見。而惟苟完目前。故凡遇一病。無論寒熱虛實。但用海底兒法。而悉以散風消食清痰降火行滯利水之劑。總不出二十餘味。一套混用。謬稱穩當。何其誕也。夫有是病。而用是藥。則病受之。無是病。而用是藥。則元氣受之。小兒元氣幾何。能無陰受其損。而變生不測。此當今幼科之大病。而醫之不可輕任者。正以此也。又見有愛子者。見其清瘦。每以爲慮。而詢之庸流。則不云痰火。必云食積。動以肥兒丸保和丸之類。使之常服。不知肥兒丸以苦寒之品。最敗元陽。保和丸以消導之物。極傷胃氣。謂其肥兒也。適

足以瘦兒。謂其保和也。適足以違和耳。即如抱龍丸之類。亦不可輕易屢用。予嘗見一富家之兒。每多痰氣。或時驚叫。凡遇疾作。輒用此丸。一投而愈。彼時以爲神丹。如此者。不啻十餘次。及其長也。則一無所知。果然一癡物而已。豈非暗損元神所致耶。凡此剋伐之劑。最當慎用。故必有真正火證疳熱。乃宜肥兒丸及寒涼等劑。真正食積脹滿。乃宜保和丸及消導等劑。真正痰火喘急。乃宜抱龍丸及化痰等劑。即用此者。亦不過中劑。不可過分。倘不知此。而徒以肥兒保和等名。乃欲藉爲保障。不知小兒之元氣無多。病已傷之。而醫復伐之。其有不萎敗者鮮矣。

【服藥時宜緩】

小兒在五歲以內。服藥時至多一盞已足。不可太多。服時宜緩緩的。不可匆急。以

小兒脾胃薄小。飲湯過多。一時不易消化。更兼哭叫。則氣往上逆。藥盡吐出。猶如未服。若緩緩而服。令其自願。則無傾吐之弊矣。

用藥須知

【分量宜輕】

小兒用藥。分量宜輕。以其腸胃薄弱。消化不良。若攻病之藥太重。則傷及正氣。令兒不支。補正之藥太急。則氣機壅滯。變症百出。反不得力。但輕輕而投。則病去而正不傷。或正氣復而氣機不壅滯也。

【用藥次序】

藥之治病。各有所主。主治者君也。輔治者臣也。與君相反而助之者佐也。引經及治病之藥。至於病所者使也。如治寒用熱藥。則熱藥君也。凡溫熱之藥。皆輔君者臣也。然或熱藥之過甚。而有害也。須少用寒涼之藥以監

一

制之。使熱藥不至為害。此則所謂佐也。至於五臟六腑及病之所在。各須有引導之藥。使藥與病相遇。此則所謂使也。餘病推此。

【相反諸藥】

○甘草反。大戟。芫花。甘遂。海藻。○烏頭反。半夏。栝

蒺。貝母。白芨。白蘇。○藜蘆反。人參。沙參。苦參。丹參。細辛。芍藥。○烏藥反。茴香。

【諸藥畏忌歌】

硫黃原是大

中精。朴硝一見便相爭。水銀莫與砒霜見。狼毒最怕密陀僧。巴豆性烈最為上。偏與牽牛不順情。丁香莫與鬱金見。牙硝難合京三稜。川烏草烏不順犀。人參最怕五靈脂。官桂善能調冷氣。若逢石脂便相欺。大凡修合看順逆。炮燬炙爆莫相依。

【五味所禁】 心病之兒。毋多食苦。肝病之兒。毋多食酸。脾病之

兒。毋多食甘。肺病之兒。毋多食辛。腎病之兒。毋多食鹹。

【五臭所入】

燥氣入肝。腥氣入肺。香氣入脾。焦氣入心。腐氣入

腎。

【五臟所欲】

肝欲散。急食辛

以散之。以辛補之。以酸瀉之。心欲軟。急食鹹以軟之。以鹹補之。以甘瀉之。脾欲緩。急食甘以緩之。以甘補之。以苦瀉之。肺欲收。急食酸以收之。以酸補之。以辛瀉之。腎欲堅。急食苦以堅之。以苦補之。以鹹瀉之。

【五臟所苦】

肝苦急。急食甘

以緩之。脾苦滯。急食苦以燥之。心苦緩。急食酸以收之。肺苦氣上急。食苦以泄之。腎苦燥。急食辛以潤之。

【五色所屬】

青色屬肝。赤色

屬心。白色屬肺。黃色屬脾。黑色屬

腎。

【五味所屬】

酸味屬肝。苦味

屬心。辛味屬肺。甘味屬脾。鹹味屬

壽夭相須知

【壽相】

頭者諸陽之會。髓之

海也。凡兒頭角豐隆。氣海足也。背者五臟六腑俞穴皆附於背脊。背下滿。臟腑實也。腹者水穀之海。腹皮寬厚。水穀盈也。目為肝竅。耳為腎竅。鼻為肺竅。口為脾竅。七竅無缺。形象全矣。故知肉實者脾足。筋強者肝足。骨堅者腎足。不忘言笑者心足。不多啼哭者肺足。哭聲聲連續者脾實。不久眠睡者脾實。兼之腳健而壯。項長而肥。囊小而黑。根抵固也。肌肉溫潤。營衛和也。腮妍如桃。髮黑如漆。表氣實也。小便清長。大便滋潤。裏氣實也。右皆壽

相。其兒無病易養。

【天相】

諸陽皆起於頭。顛破

項軟者。陽衰於上。諸陰皆起於足。踰小腳踰者。陰衰於下。鼻孔乾燥者。肺枯。唇縮流津。脾冷。髮稀者。血衰。項軟者。天柱折。青紫之筋。散見於面者。多病。形枯色灰者。表虛。瀉痢無時者。裏虛。瘡疥啼哭。及多笑語者。皆陽火妄動之候。右皆天相。其兒多病難養。

【聲相】

凡聲音清亮者壽。有

回音者壽。哭聲澀者病。散而無聲者夭。

哺乳斷乳須知

【哺乳法】

小兒在胎之時。衝

脈運血以養之。及其產下。衝脈載血以乳之。蓋乳為血化。所以見之脾胃。獨與相合。其他皆非所宜。然乳能養兒。亦能害兒。乳失其法。則

最易致疾。哺法亦然。詳列於下。

①初產之婦。宜將兩乳放溫熱。淘米水內。揉洗良久。將乳擠出。乳孔內有白絲數條。用手扯去。則小兒易於吸食。大人亦可免乳疾。

②兒生三日。宜養其穀神。用碎米作湯。濃如乳酪。與兒三豆許。數令嘔之。三五日後。方可哺乳。

③兒不肯吮乳。此有心熱。宜用大蒜頭一個。切四片。用乳汁半盞。同蒸。分作四服。或用黃連二分煎湯。灌兒數匙。

④產母乳汁不足。或身體孱弱。不可強使乳兒。須另僱乳婦乳之。

⑤僱用乳婦。須擇其血氣旺盛。骨肉停勻。肌膚細膩。性情溫和者。

若遇頭瘡髮少。緊唇耳聾。音啞。鼻狐臭。癭瘻。身體疥癬。花柳梅毒。及癩病氣嗽病者。概不宜用。

⑥七情中動。六淫外感。乳汁應

之兒飲此乳。立能致疾。

〔喜後之乳〕 令兒上氣癲狂。涎喘生驚。

〔怒後之乳〕 令兒疳氣腹脹。

〔虛寒之乳〕 令兒便青欬嗽。乳片不化。

〔積熱之乳〕 損兒肺氣。或嘔吐龜胸。面黃不食。

〔動氣之乳〕 令兒吐瀉腹脹。面色黃白。乳哺減少。夜啼吮乳。

〔病後之乳〕 令兒骨蒸盜汗。嘔煎夜哭。虛羸諸疾。

〔痰壅之乳〕 令兒涎壅生驚。或成癰癤。

〔交合之乳〕 令兒身熱驚癇。嘔吐泄瀉。啼叫如鴉。

〔魘病之乳〕 令兒腹急泄瀉。胸背皆熱。夜啼肌瘦。如有積聚。

〔醉後之乳〕 令兒恍惚多驚。腹熱急痛。

〔浴後之乳〕 令兒成胃毒。赤白痢疾等證。

故七情中動者。須俟氣平後。擠去宿乳。然後乳之。六淫外感者。須調治平復。然後乳之。

⑦小乳怒啼未止。氣息未調。不可乳之。恐乳不得下。停滯胸膈。而成嘔吐。或作驚風。

⑧乳兒不宜太飽。致致吐出。若乳來太猛。須先按去少許。然後乳之。若食後兒仍吐者。用米七粒燒黑。水半酒杯。乳半酒杯。煎至五分服。

⑨早起乳兒。須捏去宿乳。夜間乳兒。須起身坐定。抱兒餵之。

⑩乳母臥時。當以臂枕兒。令頭與乳平。恐乳填兒口鼻。氣不得出。欲睡着時。即奪其乳。

〔斷乳法〕 ①小兒當斷乳而

不肯斷者。宜以畫眉膏。〔藥鋪中

均有〕候兒熟睡。濃抹兩眉上。醒來便不食乳。斷後漸與穀食。則無疳癖之患。

②小兒半歲以後。即當用陳米稀粥。時時與之。十月以後。漸與稠粥。以助中氣。自然易養。少病。若哺之太早。則不勝穀氣。令兒頭面生瘡。愈而復發。身體尪羸。哺之太遲。則脾胃虛弱。平生多病。皆非所宜。

③小兒生前。產母無乳。而又無力僱乳母者。可用離核棗於飯上蒸熟。與兒食之。食至斤餘。便思飲食。再徐以米粉米粥之類餵哺。雖無乳。亦可生活。

④小兒腸胃脆薄。食物難化。凡一切稠黏乾硬。酸鹹甜辣。及一切魚肉水果。淫麪燒炙。煨炒等。俱是發熱難化之物。皆宜禁絕。祇宜青菜白粥。非惟無病。且可養德。若惟務姑息。畏其啼哭。無所不與。積成

三

總

論

三

三

三

三

三

三

三

痛疾。悔無及矣。

醫理須知

【五臟所主】 心主脈。肝主筋。

脾主肌肉。肺主氣。腎主骨。

【六淫主治】 風淫於內。治以

辛涼。佐以苦甘。以甘緩之。以辛散之。熱淫於內。治以鹹寒。佐以甘苦。以酸收之。以苦發之。溼淫於內。治以苦熱。佐以酸淡。以苦燥之。以淡泄之。火淫於內。治以鹹冷。佐以苦辛。以酸收之。以苦發之。燥淫於內。治以苦溫。佐以甘辛。以苦瀉之。寒淫於內。治以甘熱。佐以苦辛。以鹹瀉之。以辛潤之。以苦堅之。

【十二經表裏】 手少陰心。與

手太陽小腸為表裏。手厥陰心包絡。與手少陽三焦為表裏。手太陰肺。與手陽明大腸為表裏。足太陰脾。與足陽明胃為表裏。足厥陰肝。

與足少陽膽為表裏。足少陰腎。與足太陽膀胱為表裏。

【五行生剋】 金生水。水生木。

木生火。火生土。土生金。金剋木。木剋土。土剋水。水剋火。火剋金。

【五臟生理】 ①心。南方生熱。熱

生火。火生苦。苦生心。心者君主之官。神明出焉。諸血皆屬於心。心藏神。心開竅於耳。心之合脈也。其榮色也。其主腎也。心合小腸。小腸者受盛之府。心在體為脈。在色為赤。在音為徵。在聲為笑。在變動為憂。在竅為舌。在味為苦。在志為喜。其液為汗。其榮為色。其臭為焦。心惡熱。憂愁思慮則傷心。②肝。東方生風。風生木。木生酸。酸生肝。肝者將軍之官。謀慮出焉。諸筋皆屬於肝。肝藏魂。肝開竅於目。肝之合筋也。其榮爪也。其主肺也。肝合膽。膽者中精之府。肝在體為筋。在色為蒼。

在音為角。在聲為呼。在變動為握。在竅為目。在味為酸。其液為淚。其華在爪。其臭為臊。肝惡風。悲怒氣逆則傷肝。③脾。中央生溼。溼生土。土生甘。甘生脾。脾者諫議之官。知

周出焉。肌肉皆屬於脾。脾藏意。脾開竅於口。脾之合肉也。其榮唇也。其主肝也。脾合胃。胃者五穀之府。脾在體為肉。在色為黃。在音為宮。在聲為歌。在竅為口。在味為甘。在志為思。在液為涎。其榮為唇。其臭香。脾惡溼。飲食勞倦則傷脾。④肺。西方生燥。燥生金。金生辛。辛生肺。肺者相傳之官。治節出焉。諸氣皆屬於肺。肺藏魄。肺開竅於鼻。肺之合皮也。其榮毛也。其主心也。肺合大腸。大腸者傳導之府。肺在體為皮毛。在色為白。在音為商。在聲為哭。在變動為欬。其竅為鼻。在味為辛。在志為憂。在液為涕。其榮為毛。

其臭為腥。肺惡寒。形寒飲冷則傷肺。⑤腎。北方生寒。寒生水。水生鹹。鹹生腎。腎者作強之官。伎巧出焉。諸骨皆屬於腎。腎藏志。腎開竅於耳。又開竅於二陰。腎之合骨也。其榮髮也。其主脾也。腎合膀胱。膀胱者津液之府。腎在體為骨。在色為黑。在音為羽。在聲為呻。在變動為慄。在竅為耳。在味為鹹。在志為恐。在液為唾。其榮為髮。其臭為腐。腎惡燥。久坐溼地。強力入房。則傷腎。

【天之六氣】 風、寒、暑、溼、燥、火。【人之七情】 喜、怒、哀、樂、悲、恐、驚。
要訣
兒科一道。自古為難。蓋以小兒形質柔脆。調治少乖。則毫釐之失。遂致千里之謬。氣血尚未充盈。脈無定準。不可祇以脈為主也。神識未

發。茫然無知。口不知言。不能道其疾苦。故診小兒之病。惟憑察面部形色。識其因而生也。兼察三關。三關者。手虎口處風氣命三關也。當視脈紋形色。以診其屬寒屬熱。兼聽其聲。聽聲者。聽其五聲所主之病也。審其病情。審其安煩。苦欲飲食二便也。切其脈象。切脈者。切脈之浮沈遲數。滑澀大小有力無力也。醫者誠能以四診參合表裏虛實寒熱之病。則可保萬全也。

望色要訣

【察面要訣】小兒之病。先從面部氣色觀之。詳察五部之色。則五臟之病。自昭然可見矣。五部者。額屬心。額屬腎。鼻屬脾。左腮屬肝。右腮屬肺也。五色者。青為肝色。赤為心色。黃為脾色。白為肺色。黑為腎色也。如面青主是驚風之證。面

赤主大熱。面黃主傷脾傷食。面白主虛寒。面黑主痛。多是惡候。總之五色明顯為新病。其證輕。濁晦為久病。其證重。部色相生為順者。如脾病色黃。此正色也。若見紅色。乃火能生土。故為順也。若見青色。乃木來剋土。故為逆也。餘病倣此。

(圖部面) 圖一第 (圖部面)



若氣血充實。又遇部色相生。縱有外邪助病。亦易為治療。若久病氣血虛弱。又遇部色相剋。則正氣不支。每難治療。如天庭青暗主驚風。紅主內熱。黑則不治。太陽青主驚風。青色入耳者死。印堂青主驚風。風池在眉下。氣池在眼下。二處青主驚風。紫多吐逆。兩眉青主吉。紅色主多煩熱。鼻赤主脾熱。鼻黑則死。唇赤主脾熱。白主脾寒。左腮發赤。主肝經有熱。右腮發赤。主肺熱。痰盛承漿青主驚。黃主吐。黑主抽搐。此皆察色之大要。再以脈證參之。庶治得其要矣。

【察舌要訣】

舌苔兩字。須要

分看。舌是舌。苔是苔。舌以察原氣之衰盛。苔以察病狀之淺深。舌苔須分作三部看。舌尖屬上焦。舌心屬中焦。舌根屬下焦。此分看法也。薄苔為上焦。稍厚為中焦。最厚為

下焦。此合看法也。病之現於苔者。外感居多。學者苟能善悟。通一舉萬應用。自無窮也。

①白苔 白風寒表邪也。白潤邪猶在表也。白燥表邪漸欲入裏。勢將化熱也。滑白表邪挾滯挾痰也。白膩而垢。雖邪猶在表。胃濁上僭也。

②黃苔 微黃表邪入裏化熱也。黃糙邪熱漸有劫陰之象。老黃無液熱勢漸重。津液被劫。黃潤溼熱重也。黃黑熱勢大重。化原欲竭。

③灰苔 微灰表邪挾有溼熱之象。老灰溼熱較重。凡見此苔。須問曾否啖過橄欖。甘草瓜子。陳皮梅等。蓋舌有薄白苔。往往經過此等食物。變為深灰。甚至變黑。如啖枇杷。舌苔作老黃色。同一例也。倘泥於苔色。認為病象。率然處方。毫釐千里矣。

④黑苔 黑潤。溼熱內蒸。黑燥。傷寒陽明病。熱從火化。津液燥乾。或有積糞。下後自瘥。舌黑。此舌久病後得之。水來尅火必死。

⑤絳苔 微絳。熱邪漸逼傷營。絳潤。熱雖逼營。津液尙充也。絳燥。熱勢傷營。液回得生。液不回必死。絳剝。營陰已竭。九死一生。若起雪花苔。不出旬日即死。

⑥紫苔 微紫。血熱。深紫。熱勢深入。或挾溫毒時邪。

⑦舌刺 紅刺。諸苔中若見紅刺。必內有伏熱。紫刺。較紅刺爲甚。黑刺。熱勢化火。或胃有熱毒。

【察眼要訣】 目乃肝之竅。勇視而睛轉者。風也。直視而睛不轉者。肝氣將絕也。目之竅。五臟所屬。黑珠屬肝。純見黃色。凶證也。白珠屬肺。現青色。肝風侮肺也。淡黃色。脾有積滯也。老黃色。溼熱內蘊也。

瞳人屬腎。無光彩。又兼發黃。腎氣虛也。大角屬大腸。破爛。肺有風也。小角屬小腸。破爛。心有熱也。上胞屬脾。腫則脾傷也。下胞屬胃。色青者。胃有風也。上下眼胞皆腫者。脾經風熱也。睡則露睛者。脾胃虛寒所致也。小兒目連劓者。肝有風也。

(夏禹鑄)

小兒目無精光。及白睛多而黑睛少者。肝腎不足也。(大全)

心主赤。目赤甚者。心實熱也。赤微者。心虛熱也。肝主青。目青甚者。肝熱也。淡青者。肝虛也。脾主黃。目黃甚者。脾熱也。淡黃者。脾虛也。(集成)

眼眶黑。主內有痰飲。眼眶青。主生驚厥。目神短促而無光。瞻視無力而昏暗者。主病天。目瞪者。膀胱絕也。或有痰涎內擾致之。若目睛稍定。暫時轉動者。亦屬痰。(大全)

目屬肝。肝氣實則眇乾硬。肝氣虛則眇膠黏。寒傷肝則淚冷。熱傷肝則淚熱。(楊厲子)

赤脈貫瞳。火乘木位。治宜瀉心補腎。(指南)

凡病者兩目皆有黃色起者。其病易愈。(集成)

目色赤者。心實熱。淡紅者。心虛熱。青者。肝實熱。淡青者。肝虛熱。黃者。脾實熱。微黃者。脾虛熱。白而混者。肺實熱。目無精光者。腎虛也。驚癇發搐。男則目左視無聲。右視有聲。女則目右視無聲。左視有聲。相勝故也。(錢仲揚)

凡病者。至危時。必察兩目。故經曰。視其目色。以知病之存亡也。仲聖云。目中不了了。睛不和。睛不和者。神昏如醉也。無表裏證。大便難。身微熱者。此爲實也。宜急下之。(世補齋)

小兒眼睛珠黑光滿輪者。主壽。雖有疾病。亦易痊愈。若白珠多而黑珠昏朦。睛珠或黃或小者。主災患。小兒目直視者。熱甚。白膜遮睛者。成疳。其病時。或目開不合。或目合不開。或哭而無淚。或不哭而淚出者。俱爲肝絕。死不治。(集成)

開目見人者。屬陽。閉目不欲見人者。爲陰。(大全)

目忽不明者。脫陰。脫血也。目睛定而不轉者。危候也。(周于蕃)

按五臟六腑之精氣。皆上注於目。而爲之精。精聚則神全。所以能視萬物。別白黑。審短長。故命之壽夭。病之衰盛。其眸之俱莫能掩。故察眼法。爲審病之至要訣竅也。

【察耳要訣】 兩耳時紅時熱者。主外感風熱。兩耳尖發冷者。主發痘疹。風門在耳前。少陽經所主。色黑則爲寒爲疝。色青則爲風爲

燥(集成)

凡發熱耳筋出現紫黑白赤皆凶。耳上涼者吉耳下涼者凶耳後青筋起主癰癰(大全)

耳色枯焦主腎涸證危兩耳後黑筋橫過髮際主脾下疼腎氣痛

(集成)

凡看小兒潮熱之際以兩耳辨其五色爲驗便知生死輕重之分

(大全)

耳上起青筋者主肝風耳聾發狂者主陽虛病耳痛耳腫耳聾者皆主膽病(周于蕃)

【察唇口要訣】經曰中央黃

色入通於脾開竅於口脾敗而見魚口則喘不出聲肺主氣發於聲出於口爲言絕肺故聲如鴉聲也

(集成)

唇屬脾紅紫熱也又主蟲癰積痛淡白虛也又主吐瀉嘔逆諸失血

證環唇紫黑主脾絕死不治(顧練江)

唇紅而吐胃熱也唇白而吐胃虛也唇色如常而吐作傷胃論(指南)

人中青主不食大便難通唇蹇而

縮不能蓋齒者脾絕也口角流涎者脾冷也(大全)

凡病兒人中平滿爲唇反唇反者肉先死凡唇口腫赤而齒焦者是

熱極唇燥裂者亦熱凡唇口青黑者是寒極唇黃者主脾受積熱(顧練江)

小兒唇紅如丹即發渴候紅甚焦

黑則危(折衷)上唇生瘡蟲食其臟下唇生瘡蟲食其肚(張仲景)

口甜是肝熱脾溼胃有痰滯也口鹹是腎水上泛腎熱也口淡胃熱也口辛肺熱也口臭胃熱也口苦

是心熱或膽熱也口酸肝熱也或

脾胃虛弱木乘土位所致口乾脾熱也口燥胃家熱極也(顧練江)

唇口生瘡聲啞者蟲積唇紫者亦

屬蟲積(楊厲子)小兒口如魚嘴尖起者死口中氣

出不返者死環口紫黑者死口張腳腫脈絕者危在頃刻口燥齒乾形脫者不治(周于蕃)

【察齒要訣】齒爲腎之表舌

爲心之苗心氣散則舌出不收腎氣絕則齒忽噉人心腎俱絕則陰陽相離死不治(集成)

凡小兒生而有齒者大凶必自傷

(陳飛霞)凡病者齒燥無津主陽明熱病若舌上焦黑無垢主十三日死(顧練澄)

齒爲骨之餘齦爲胃之絡小兒病看舌後必須驗齒(葉天士)

熱邪耗腎液者齒色必黃口如醬

齒宜救腎熱邪耗胃津者齒色必紫紫如乾漆宜安胃齒光燥如石者胃熱也枯骨色者腎液枯也若

上半截潤者是水不上承爲心火

上炎也(葉天士)齒牙齧齒者溼熱化風爲瘡病但

齧不齧者熱甚而牙關緊急也(周于蕃)

齒垢由腎熱蒸胃濁氣所結其色如灰候則枯敗而津氣俱亡腎胃兩竭爲不治齒縫流血如胃火衝

激則痛如不痛則出於牙根腎火上炎也齒焦者腎水枯無垢則胃液竭有垢者火雖盛而液尚未竭也(葉天士)

齧齒者睡眠後齒相磨切也血氣既虛而風邪又客於牙車筋脈之間故睡後邪動引其筋脈遂令上下齒磨切有聲也(蘭聖軌範)

女子七歲。腎氣盛。齒更。三七。腎氣平均。故真牙生而長短。(素問)

男子八歲。腎氣實。齒更。三八。真牙生。五八。齒槁。八八。則齒髮去。(素問)

按齒為腎之餘。齦為胃之絡。熱邪不燥。胃津必耗。腎液故診熱病。最要注重齒部診法。以知其病之輕重。可治與不可治也。

【察鼻要訣】 年壽在鼻梁。為氣之門戶。赤光外侵。肺已受傷。則氣不流行。血必凝滯。有膿血之論。山根為足陽明之胃絡脈。小兒乳食過度。胃氣抑鬱。則青黑之紋。橫截於山根。主疾病。(集成)

鼻孔為肺竅。乾燥熱也。流清涕。寒也。流濁涕。熱也。鼻準屬脾。紅燥。脾熱也。慘黃。脾敗也。(夏禹鑄) 鼻色青。主吐乳。又主腹中痛。若四肢逆冷者死。鼻色微黑者。痰飲水

氣。鮮紅者。留飲。紫暗者。時病。鼻色黃者。主痰飲。溼熱。胸中寒。白者。氣虛。又主亡血。(集成)

鼻色燥黑。如烟煤者。陽毒熱極也。若鼻孔黑潤。出冷氣者。為陰毒寒極。鼻上汗出如雨者。心胃病。(周于蕃)

鼻孔煽張。以及出氣多入氣少者。皆不治。(大全) 無病小兒。忽現黑色於耳目口鼻邊者。主凶。噴嚏者。感於風也。若欲嚏而不能者。為寒。鼻鮮難言者。風溫。鼻鳴乾燥者。傷風。(周于蕃)

鼻色赤者。主肺熱。又主風熱。設微赤。非時者死。鼻色青為痛。色赤為風。色黃者便難。(金匱) 病兒山根明亮。目眦黃者。病欲愈也。(周于蕃)

壽(靈樞)

鼻痛者。風火。鼻色黃黑而亮者。小腹痛。兩脇痛及蓄血。鼻現青黃色者。為淋。(周于蕃)

鼻煽有虛實新久之分。不可概言肺絕。若初病即鼻煽。多由邪熱風火壅塞。肺氣使然。若久病鼻煽喘汗。為肺絕。(林慎庵)

聞聲要訣

小兒之病。既觀其色。又當細聽其聲。蓋呼笑歌悲呻五聲。內應心肝脾肺腎五臟也。五聲不和。則知五臟有病之情矣。如心屬火。病則聲急喜笑。肺屬金。病則聲悲音濁。肝屬木。病則聲狂叫多呼。脾屬土。病則聲顫輕如歌。腎屬水。病則其聲長細如呻吟。有聲有淚。聲長曰哭。有聲無淚。聲短曰啼。如啼而不哭。則氣不伸暢。主腹痛。哭而不啼。則

氣急心煩。將成驚也。噤煎不安者。乃心經內熱。故煩躁不寧也。噎聲音啞。聲重。聲濁也。此為外感風寒也。有餘之證。其氣實。故聲雄大而壯厲。不足之證。其氣虛。故聲怯弱而輕短。多言與身熱。皆陽也。陽主腑。故多陽腑證也。懶言與身涼。皆陰也。陰主臟。故多陰臟證也。狂言焦躁者。邪熱盛也。神昏譫語者。熱乘於心。故病勢凶也。鴨聲者。聲在喉中。而啞氣將絕也。直聲者。聲無回轉。而急氣將散也。二者俱為不治之證。醫者果能以此察之。則知表裏臟腑寒熱虛實。諸病之情態。無所遁矣。

問證要訣

小兒有病。貴乎詳審。先問起居安煩。苦欲何如。次問飲食。能食不食。渴與不渴。又次問二便。或通或秘。

而後病源可識矣。如發熱無汗。此邪在表也。內熱便硬。此邪在裏也。晝若煩熱。而夜安靜。是陽旺於陽分。其病在陽。若夜煩熱。而晝安靜。是陽陷於陰分。其病在陰。苦欲者。喜冷惡熱。皆屬陽病。此爲熱也。喜熱惡冷。皆屬陰病。此爲寒也。胃壯者能食。胃弱者不能食。胃乾燥者。口渴。胃溼盛者。口不渴。至於大便稠黏。穢氣難聞者。是內有滯熱。從熱化也。小便清白不赤。爲虛寒。從寒化也。若耳梢冷。尻骨冷。四肢發冷者。此痘疹欲發之候。如單指梢發冷者。此驚癇將作之徵。肚腹間熱。主內熱。手足厥冷。主中寒。小兒無故皺眉曲腰啼叫者。主內因腹痛也。兩耳常常發熱者。主外因風熱也。凡腹痛。又當按其或軟或硬。若喜按者爲虛。不喜按者爲實。凡此皆問證之要訣。保赤者須誠心

勘問。對證施治。庶隨手奏效矣。

切脈要訣

凡小兒滿一週歲後。如有病則當切脈。但部位甚小。不能以三指診之。須用一指。以定三關。三關者寸關尺也。

(圖關三脈切 圖二第)



【浮脈】浮脈者。輕取皮膚之上即得。故曰浮也。浮脈主外感風

寒。病在表也。

【沉脈】沉脈者。重按筋骨之間則見。故曰沉也。沉脈主內傷飲食。病在裏也。

【數脈】人之一呼一吸。謂之一息。一息之間。脈來六至。爲和平無病之脈。若七至八至。謂之數脈。數主熱。病在六腑。屬陽也。

【遲脈】一息之間。脈來四至五至。謂之遲脈。遲主寒。病在五臟。屬陰也。

【滑脈】滑脈者。脈象如珠。往來流利。毫無牽掛。主痰氣壅盛也。

【瀉脈】瀉脈者。脈象滯澀。往來艱難。主氣機壅滯也。

【虛脈】脈之浮中沉三部俱無力。爲虛脈。主諸虛病。

【實脈】脈之浮中沉三部俱有力。爲實脈。主諸實病。

按之中部無力者是也。主失血。

【微脈】微脈者。按之微細。若有若無。主怯弱之證。

【洪脈】洪脈者。來時雖盛。去時無力。主火熱也。

【促脈】促脈者。數而時止。主驚癇也。

【結脈】結脈者。緩而時止。主積聚也。

【緊脈】緊脈者。左右如轉索之象。沉緊主腹痛。浮緊主感寒。

【弦脈】弦脈者。端直如張弓弦。主停飲也。

脈洪緊者。痘疹欲發也。大小不勻者。中惡之證也。一息三至是虛寒之極。九至十至乃火熱太甚。若一息只一至二至。或十一十二至者。皆死脈也。浮散無根。又沉浮取之不應指者。皆難治之脈也。凡病之陰陽表裏虛實。雖可以診脈而得。

惟臨證時合望聞問三者。細為參考焉。

【虎口三關部位脈紋形色要訣】凡初生小兒。未滿一週歲。有疾病時。不宜診脈。須視虎口叉手處脈紋之形色。以決病之生死輕重。男先看左手次指內側。女先看

(第三圖 虎口三關圖)



風關次指第一節。氣關次指第二節。命關次指第三節。虎口叉手處也。男先看左手次指內側。女先看右手次指內側。

右手次指內側。指之三節。初節曰風關。次節曰氣關。三節曰命關。紋在風關主病輕。氣關主病重。若過命關主命危難治。其紋色紅黃相兼。隱隱不見。則為平安無病。若紋色紫屬內熱。紅屬傷寒。黃屬傷脾。黑屬中惡。青主驚風。白主疳證。習幼科者。必以此形色合參。留神診察。始不誤矣。

總訣

○小兒氣血未充。形神怯弱。臟腑柔脆。用藥切戒分量太重。○小兒病多風。痰驚食諸邪。○小兒脾胃薄多吐瀉。疳病。○小兒斷乳哺乳。俱有一定規則。依之而行。見自康健。○小兒熱證有七。面腮紅大便秘。小便黃。渴不止。上氣急。足心熱。眼紅。此皆實熱證。忌用溫補之劑。○小兒寒證有七。面皤白。黃青

白。肚虛脹。眼珠青。吐瀉無熱。足脛冷。睡露睛。此皆虛寒證。忌用寒涼之劑。○小兒初生。欲知其有病無病。以手捻其頭。摸其顛顛。不作聲者為病。以手指探其口。雖發聲而從容啞指者。有病亦輕。若即發聲而不啞指。面色青紅帶紫。或牙關緊急。不納乳汁。此落地受寒之甚。風邪入足太陰及足陽明使然也。須急治之。庶可平復。○初生之兒。肥胖色嫩。日覺好看者。此其根本不堅。甚非佳兆。且最易感冒風寒。邪入腑者。近在第二三日見之。其證吐乳夜啼。腹鳴。此皆胎風之類。然證猶淺而易治。用燈火法。○詳初生諸病證。臍風類內。百不失一。○小兒百日咳。肺風痰嗽。俱詳咳嗽證。等病。在他醫看來。俱屬絕症。而本書將此二病之特效治法。貢獻無遺。依此而治。百無一

初生諸病證 (上)

死。○凡兒生下時身破裂者死。陰囊白者死。陰不起者死。無黃門者死。股間無肉者死。開口如鴉聲者死。初白花色者死。皮肉不光者死。泣不出聲者死。舌如豬肝色者死。面如彩色者死。臍帶短大紫色者死。天生下薄身銀白色者死。生下有齒者大凶。凡此十條。俱屬小兒科之總訣。切宜注意。

○初生諸病證 (上) 共分一六類。○不啼。○不乳。○眼不開。○吐不止。○不小便。○不大便。○大小便不通。○肛門內合。○噤口。○撮口。○臍溼臍瘡。○臍突。○臍風。○天釣。○內釣。○盤腸氣痛。○初生諸病何由而成。成初生諸病之主要原因如左。○拭口


不淨。污穢之物。留在內臟。⑤斷臍。不得其法。風冷入臍。⑥浴兒不慎。冬日受寒。夏日受熱。⑦其他原因。各詳本條。凡拭口。斷臍。浴兒。諸法。俱詳本證結論。

⑧初生諸病證之主要治法如
何。①不啼。氣不通。用鞭背法。為寒所逼。用熏臍帶法。②不乳。臍黃。未下。用一捻金。兒母過食寒涼。胎受其氣。用勻氣散。③眼不開。孕婦恣情厚味。用生地黃湯。④吐不止。腹中穢惡不淨。用一捻金。觸冒寒邪。用香蘇飲。胎前受熱。用二陳湯。加黃連。胎前受寒。用理中湯。⑤不小便。胎熱流於下。用導赤散。⑥不大便。胎中受辛熱之毒。氣滯不通。用硃蜜法。⑦大小便不通。胎中熱毒太盛。用口咽五心法。水通散。⑧肛門內合熱毒太甚。用黑白散。脂膜遮滿。用玉簪刺法。⑨噤口。胎熱。

初生諸病證(上)

用龍膽湯。胎熱復挾風邪。用擦牙散。⑨撮口。氣高痰盛。用辰砂礪靈散。二便秘結。用紫霜丸。身熱多驚。用龍膽湯。手足抽搐。用撮風散。⑩臍溼。臍瘡。臍溼。用滲臍散。臍瘡。用金黃散。⑪臍突。胎熱所致。用犀角消毒飲。⑫臍風。臍兒將作。用驅風散。風氣實。用黑白散。風兼虛。用理中湯。風兼痰。用辰砂礪靈散。風兼熱。用龍膽湯。風兼寒。用益脾散。風兼驚。用撮風散。⑬天鈞。痰盛兼搐。用九龍控涎散。驚盛兼風。用牛黃散。搐盛多熱。用鈎藤飲。爪甲皆青。用蘇合香丸。⑭內鈞。癰癰甚者。用鈎藤飲。急啼腹痛。用水香丸。肢冷甲青。用養臟散。⑮盤腸氣痛。寒邪所搏。用白豆蔻散。熨臍法。

無生望。編者目擊心傷。將此病之急救法。盡情宣佈。如法救之。莫不脫險。
(第四圖 臍風燈火圖)
臍風燈火。計顙門(即頂心)一燭。眉心一燭。人中一燭。承漿一燭。少商(在兩手大拇指背按甲處)各一燭。繞臍六燭。當臍一燭。共計十三燭。臍風兒生七日內患者最多。初起吸乳必較前稍鬆。兩眼角按眉心處。忽有黃色。宜急治之。治之最易。黃色到鼻。治之仍易。到人中。承漿治之稍難。口不撮而微有吹噓。



猶可治也。至唇口收束鎖緊。舌頭強直。不必治矣。一見眼角鼻及人中。有黃色。兩唇不撮緊者。即用燈火於顙門。眉心。人中。承漿。兩手大指少商。各穴各一燭。繞臍六燭。未落帶。於帶口火燃。既落當臍一燭。共十三燭。風便止而黃即退矣。此火攻之法。何異呂祖帝中藥。盧公再生方哉。願普天下為父母者。依法治療。即十百千萬億中。斷無一孩死於臍風者。法以燈草一二莖。蘸香油。乾溼得中。點燃。一燭者。一火也。如無燈草。以艾絨團如小麥頭大十三枚。每穴一枚。亦有神效。
⑯初生諸病失治有無危險。小兒初生。臟腑脆弱。正氣衰微。一有病痛。正不敵邪。危險立生。故此證各病失治。俱有生命危險也。

不啼類

【病源】氣閉寒逼。兒生落地。

啼聲即發。形生命立矣。有不啼者。

俗云草迷。其病源有二。①臨產時

生育艱難。以致兒生氣閉不通。②

產時值天寒之際。兒氣爲寒所逼。

凡此二因。俱令兒成不啼病。

【病狀】生而無啼聲。不啼病

兒生而無啼聲。呼吸微弱。

【變證】面青甲黑。不啼病失

治。兒氣機愈益阻滯。氣絕無聲。面

青甲黑。是形雖存。而命已不立。安

望其生哉。

【療法】①生而無啼聲之療法

不啼病兒生而無啼聲。呼吸微

弱。由氣閉者。速以葱一束。鞭其背。

使氣通則啼。如無葱。以手輕擊之。

亦可。由爲寒所逼者。急用綿絮包

裹抱於懷中。且勿斷臍。用紙撚蘸

油點火於臍帶下。往來熏之。令火

氣由臍入腹。寒得溫散。氣得煖通。

啼聲自出矣。

①人工呼吸法 人工呼吸法。

不必須產婆或醫師之手。即尋常

人亦可爲之。其方法以左右兩手

之拇指。置於小兒胸廓兩側。而以

左右兩手之食指。從小兒肩胛之

後面。勾入於兩腋窩。而以其餘三

指置於小兒背部。使小兒之頭。支

持於兩手之腕關節間。然後舉起

小兒。高過頂上。將兒頭向下。腰部

屈曲。骨盤與腹部相近。如是則小

兒吸入喉頭內之黏液。可。由是以

除去。蓋用作小兒呼吸氣也。然後再

用強力擲下小兒。而以兩食指支

持小兒之腋窩。以兩拇指匝其肩

胛。並將餘指放鬆。蓋用作小兒呼

吸也。如是一反一覆。以代呼吸。約

至五十次後。則浸之於四十八度。

至五十度之溫水。約經一分鐘。再

行前法。至小兒能自行呼吸爲止。

但於此有須注意者。其一。在施行

人工呼吸時。產室宜較溫暖。其二。

將小兒舉起後。再擲下時。宜急速

而有強力。否則決不能見效。其三。

兩腕關節支持兒頭。不可過用力

壓迫。否則妨害其頸管。其四。用人

工呼吸法時。在小兒尚未自能呼

吸時。苟其心搏未完全停止。總可

見效。決不可中止。

（第五圖）



（工人呼吸法）



②哺乳不可太多 不啼病愈

後。哺乳時不可太急。亦不可太多。

以病後氣機遲滯。過急過多。俱令

壅滯而生他變。

③宜使多啼 不啼病愈後。宜

常使之啼。啼則肺氣宣張。永無閉

塞之病。若過分疼愛。一啼即乳。或

一啼即抱。肺氣壅滯。病痛叢集。然

亦不可過分。以過啼則肺氣受傷。

每令音啞也。所謂不偏不倚。適可

而止。保嬰之法。全在此矣。

不乳類

【病源】糞未下腹寒涼 不乳

謂初出胞胎不吮乳也。其故有二。

①腹中臍糞未下。②兒母過食寒

涼。胎受其氣。腹中寒冷。凡此二因

俱令成不乳病也。

【病狀】①腹滿氣短 不乳病

由兒生後。腹中臍糞未下者。其證

腹脹胸滿。氣短促。嘔吐不乳。

①面色青白。不乳病由兒母過食寒涼。胎受其氣者。其證兒必腹痛。面色青白。多啼不乳。

【變證】①常作呻吟。不乳病

失治。由臍糞不下者。腹脹胸滿益劇。氣分益短。呼吸頻促。肚腹高硬。面赤呻吟不乳。此時正虛邪實。補正則留邪。攻邪則傷正。殊為難治。

④四肢厥逆。不乳病失治。由

兒腹寒冷者。其寒益甚。面色青白。不乳。腹痛劇。常啼。四肢厥逆。

【療法】①腹滿氣短之療法

不乳病由兒生後。腹中臍糞未下者。其證腹脹胸滿。氣短促。嘔吐不乳。一捻金主之。外用口嘔五心臍下法。

①面色青白之療法。不乳病由兒母過食寒涼。胎受其氣者。其證兒必腹痛。面色青白。多啼不乳。

勻氣散主之。

③常作呻吟之療法。不乳病

失治。由臍糞不下者。腹脹胸滿益劇。氣分益短。呼吸頻促。肚腹高硬。面赤呻吟不乳。此時正虛邪實。補正則留邪。攻邪則傷正。殊為難治。姑以一捻金散。參蜜湯調服。補正攻邪。雙方並進。外用口嘔五心臍下法。亦不治之治也。

④四肢厥逆之療法。不乳病失治。由兒腹寒冷者。其寒益甚。面色青白。不乳。腹痛劇。常啼。四肢厥逆。理中湯主之。

【調養】①哺乳不可太多。不乳病愈後。小兒驟欲吮乳。此時最宜謹慎。不可多與乳。適中而止。以病後之胃。組織未全。驟進大宗乳汁。一時不易消化。積而成患。為害不小。

①寒煖宜慎。不乳病愈後。寒

煖宜慎。受寒則病復發。受熱則生驚。

③不宜多服藥。不乳病愈後。即勿服藥。以藥性多偏。易戕兒沖和之氣。而令脆弱。

眼不開類

【病源】熱毒熏蒸。小兒初生。

眼不開者。因孕婦飲食不節。恣情厚味。熱毒熏蒸。以致熱蘊兒脾。眼胞屬脾。其脈絡緊束。故不能開也。

【病狀】目多眵。眼不開。病小兒初生。眼不開。目多眵。目胞紅腫。

【變證】狀如潰爛。眼不開。病

失治。熱毒壅盛。目眵益多。痛癢交作。眼皮出水。狀如潰爛。甚者眼毛盡脫。累月不愈。變為爛眼。簷也。

【療法】①目多眵之療法。眼不開。病小兒初生。眼不開。目多眵。目胞紅腫。內服生地黃湯。外用熊

膽湯洗之。自愈。

①狀如潰爛之療法。眼不開

病失治。熱毒壅盛。目眵益多。痛癢交作。眼皮出水。狀如潰爛。甚者眼毛盡脫。累月不愈。變為爛眼。簷也。宜以熊膽湯時時洗之。自能痊可。

【調養】①乳母忌食炙爆。眼

不開。病乳母忌食辛辣香燥。煎炒炙爆。膏粱厚味。雞鵝羊肉等物。以食此種物後。乳汁有熱毒。兒吮之。病益劇也。

①銀花連翹泡飲代茶。眼不

開。病乳母宜每日以銀花三錢。連翹二錢。百沸水泡飲代茶。以二味清營解毒。使乳汁清涼。兒吮之。病易痊可。

③羊膽汁點目內。眼不開。病

以羊膽汁點目內。亦有神效。考肝開竅於目。膽汁減。則目黯。目者肝之外候。膽之精華也。故諸膽皆治

目病。此以青羯羊者良。熊膽湯洗方。如一時無熊膽。以羊膽代之。亦有神效。

吐不止類

【病源】穢惡冒寒受熱。小兒初生吐不止者。其原因有四。①便秘腹中穢惡不淨。②生育時觸冒寒邪。入裏犯胃。③胎前受熱。④胎前受寒。凡此四種原由。俱令小兒生吐不止病也。

【病狀】①腹中脹滿。吐不止

病由便秘腹中穢惡不淨者。其證腹中脹滿。吐不止。口氣重濁。

②吐沫不止。吐不止病由生

育時觸冒寒邪。入裏犯胃者。其證曲腰而啼。吐白沫不止。

③口吐黃涎。吐不止病由胎

前受熱者。其證面黃赤。手足溫。口吐黃涎不止。酸黏異常。喜冷飲。睡

不露睛。

④面色青白。吐不止病由胎

前受寒者。其證面色青白。四肢冷。

口吐清稀白沫。喜飲熱湯。睡時露睛。

【變證】①四肢厥冷。吐不止

病失治。由於虛寒者。必四肢厥冷。額汗昏睡。閉目搖頭。面唇青黯。此

因脾陽虛微。肝風颺張而成慢脾風。所謂肝犯胃。木侮土者是也。

②角弓反張。吐不止病失治。

由於實熱者。則熱勢壅盛。嘔吐不已。角弓反張。啼聲強直。手足抽搐。而成急驚風。此熱邪猖獗。肝風颺

張也。

【療法】①腹中脹滿之療法

吐不止病由便秘腹中穢惡不淨者。其證腹中脹滿。吐不止。口氣重濁。一捻金主之。以生薑汁湯調服。

②吐沫不止之療法。吐不止

病由生育時觸冒寒邪。入裏犯胃者。其證曲腰而啼。吐白沫不止。香蘇飲溫散之。

③口吐黃涎之療法。吐不止

病由胎前受熱者。其證面黃赤。手足溫。口吐黃涎不止。酸臭異常。喜

冷飲。睡不露睛。二陳湯加黃連主之。

④面色青白之療法。吐不止

病由胎前受寒者。其證面色青白。四肢冷。口吐清稀白沫。喜飲熱湯。睡時露睛。理中湯主之。

⑤四肢厥冷之療法。吐不止

病失治。由於虛寒者。必四肢厥冷。額汗昏睡。閉目搖頭。面唇青黯。此

因脾陽虛微。肝風颺張而成慢脾

風。所謂肝犯胃。木侮土者是也。此

證逐風則無風。可逐。治驚則無驚。

可治。惟宜大補脾土。生胃回陽為

⑥角弓反張之療法。吐不止

病失治。由於實熱者。則熱勢壅盛。嘔吐不已。角弓反張。啼聲強直。手

足抽搐而成急驚風。此熱邪猖獗。肝風颺張也。涼驚湯主之。兼服涼

驚丸。

【調養】①以生薑汁塗兒舌

吐不止病初起。宜以生薑汁少許塗兒舌上。吐即止。不致釀成大病。

②哺乳宜慎。吐不止病愈後。

哺乳宜慎。切戒太多。以病後脾胃虛弱。不易消化也。

③切戒沐浴。吐不止病切戒

沐浴。以其易受風寒。且浴時兒啼哭掙扎。肝陽上逆。病益劇也。

不小便類

【病源】胎熱流於下。小兒初生。胎熱流於下。致令小便不通。而成不小便病。

【病狀】小便不通 不小便病

小兒初生小便不通

【變證】腹脹而喘 不小便病

失治小便不通腹中脹急胸滿而喘此須速治否則有生命危險也

【療法】①小便不通之療法

不小便病小兒初生小便不通宜導赤散熱盛者八正散主之外用豆豉膏貼臍上則小便自通矣

②腹脹而喘之療法 不小便

病失治小便不通腹中脹急胸滿而喘此須速治否則有生命危險也急服八正散外以豆豉膏貼之

【調養】①乳母忌食雞鵝 不

小便病乳母須忌口則病易痊可忌食辛辣香燥煎炒炙爆雞鵝羊肉蚌蛤河豚等物

②不可多服藥 不小便病小

便通後即當停藥以藥性多偏易戕兒沖和之氣而令脆弱或變生

他證

③不可延擱 不小便病至為

危重須速治不可延擱否則每致水氣上沖而死最宜注意

不大便類

【病源】受辛熱之毒 小兒初

生之日或次日即大便秘者俗云下臍屎此腸胃通和幽門潤澤也若至二三日不大便乃胎中受辛熱之毒氣滯不通也是謂不大便病一名鎖肚

【病狀】面赤腹脹 不大便病

大便不通面赤腹脹不乳多啼唇燥口乾小便赤澀

【變證】作呻吟聲 不大便病

失治肚腹膨脹不能乳食作呻吟聲便閉至七日者死不治

【療法】面赤腹脹之療法 不

大便病大便不通面赤腹脹不乳

多啼唇燥口乾小便赤澀宜先用硃蜜法治之設若不應用一捻金

量兒與之繼令婦人以溫水漱口

囁兒前後心手足心並臍下共七處以皮見紅赤色為度須臾大便自通矣

【調養】①宜飲麻子汁 不大

便病宜兼以麻子一匙冷沸水研汁飲之使腸中潤澤大便自通此法穩妥可佐前諸法之不及

②忌食香燥 不大便病乳母

忌食辛辣香燥煎炒炙爆膏粱厚味雞鵝羊肉蚌蛤河豚等物使乳汁清淨兒毒自輕

③脂膜遮滿之治法 不大便

病如因脂膜遮滿肛門無隙可通者用右諸法俱無功效宜以金簪透而通之玉簪亦可刺破脂膜再以蘇合香丸作棗核狀納入孔中取其香能開竅又能潤澤大便一

下庶可望生

大小便不通類

【病源】熱毒太甚 小兒初生

大小便不通者最為急候乃胎中熱毒太甚而成也

【病狀】腹脹欲絕 大小便不

通病大便小便俱不通利腹脹欲絕面赤口氣重濁

【變證】肚腹硬脹 大小便不

通病失治延至七日謂之一臘肚腹硬脹常作呻吟則難治矣

【療法】腹脹欲絕之療法 大

小便不通病大便小便俱不通利腹脹欲絕面赤口氣重濁急令婦人以溫水漱口

囁兒前後心手足心並臍下共七處以皮見紅赤色為度再以木通散行其熱紫霜丸開其結庶可望生

【調養】①忌食厚味 大小便

不通病乳母忌食膏粱厚味。辛辣香燥。煎炒炙爆。雞鵝羊肉。蚌蛤河豚等物。使乳汁清淨。兒毒自輕。

◎燈心竹葉泡飲。大小便不通。病愈後。兒餘熱未清。多啼面赤。調養之法。宜以燈心草二尺。鮮竹葉二錢。泡飲代茶。清其餘熱。自有神效。藥性和平。並不傷正。

◎宜服水果汁。大小便不通。病愈後。平時宜常服水果汁。(如橘子、香蕉、檸檬等均可)使腸中潤澤。熱毒消解。病不復發也。

肛門內合類

【病源】熱毒脂膜。小兒初生。肛門內合。其故有二。①熱毒太甚。壅結肛門。②脂膜遮滿。無隙可通。凡此二因。俱令肛門內合也。

【病狀】大便不通。肛門內合。病肛門內合。大便不通。由熱毒壅

盛者。必兼見面赤腹脹。不乳。唇口乾燥等證。由脂膜遮滿者。必兼見肛門內盡是脂膜遮滿。無隙可通等證。

【變證】腹中脹急。肛門內合。病失治。肛門不通。大便不下。腹中脹急。不能乳食。時作呻吟聲。氣急死。不治。

【療法】大便不通之療法。肛門內合。病肛門內合。大便不通。由熱毒壅盛者。必兼見面赤腹脹。不乳。唇口乾燥等證。急服黑白散。外用蘇合香丸作棗核狀入孔中。取其香能開竅。又能潤澤。大便一下。庶可望生。由脂膜遮滿者。必兼見肛門內盡是脂膜遮滿。無隙可通等證。先以金簪或玉簪透之。刺破脂膜。再以蘇合香丸照右法導之。庶可挽回於萬一耳。

【調養】①忌食河豚。肛門內

合病乳母忌食膏粱厚味。辛辣香燥。煎炒炙爆。雞鵝羊肉。蚌蛤河豚等物。使乳汁清淨。兒毒自輕。

◎宜速治。肛門內合。病病勢最凶。切勿延擱。宜速治。否則每不可救。

◎宜服水果汁。肛門內合。病愈後。熱毒未清。大便艱難。調養之法。宜時服水果汁。(如橘子、香蕉、檸檬等)使腸中潤澤。熱毒消解。兒自康健也。

噤口類

【病源】胎熱風襲。兒生三日。忽然噤口。乳食大進。其病源有二。①胎熱。②胎熱內結。復為風邪外襲。凡此二因。俱令小兒成噤口病也。

【病狀】①舌上生瘡。噤口病由胎熱者。其證舌上生瘡。如黍米

狀。吮乳不得。啼聲漸小。②口吐白沫。噤口病由胎熱內結。復為風邪外襲者。其證口吐白沫。牙關緊結。

【變證】餓倒胃氣。噤口病係小兒重病之一。失治多至不救。因兒腸胃薄弱。不能餓也。今噤口病。腹中覺飢。欲食而不得食。必餓倒胃氣而死。

【療法】①舌上生瘡之療法。噤口病由胎熱者。其證舌上生瘡。如黍米狀。吮乳不得。啼聲漸小。法當清熱疏利。以龍膽湯主之。若肚腹脹硬。二便不通者。紫霜丸主之。②口吐白沫之療法。噤口病由胎熱內結。復為風邪外襲者。其證口吐白沫。牙關緊結。當以祕方擦牙散。先擦其牙關。次服辰砂全蠍散。中病即止。不可過服。病退當調和脾胃。以勻氣散主之。